

PRIJEDLOG

Na osnovu člana 37. i 38. Odluke o regulaciji saobraćaja u gradskom području i naseljenim mjestima Općine Velika Kladuša („Službeni glasnik Općine Velika Kladuša“, broj: 4/10, 10/10 i 8/11), člana 32. tačka 15. Statuta Općine Velika Kladuša („Službeni glasnik Općine Velika Kladuša“, broj: 12/11), i člana 73. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na _____ sjednici, održanoj _____. godine, donijelo je

ODLUKU **o formiranju Savjeta za regulaciju saobraćaja** **na području općine Velika Kladuša**

Član 1.

Ovom Odlukom formira se Savjet za regulaciju saobraćaja na području općine Velika Kladuša (u daljem tekstu Savjet) kao stručno radno tijelo Općinskog vijeća na period od 4 (četiri) godine i utvrđuje njegov sastav.

Član 2.

Savjet sačinjavaju:

1. Kajtezović Aida, predsjednik Savjeta,
2. Arijana Omeragić, zamjenik predsjednika savjeta, ispred nadležne Službe,
3. Kaldžija Dženan, član, ispred nadležne Službe,
4. Elvira Abdić Jelenović, član građevinske struke, ispred Komisije Općinskog vijeća nadležne za prostorno planiranje,
5. Čaušević Osman, član, ispred JKP "Vodovod i kanalizacija" d.o.o. Velika Kladuša,
6. Đogić Amir, član, ispred JKUP "KOMUNALIJE" d.o.o. Velika Kladuša,
7. Raza Mahmutović, član, predstavnik auto-škola,
8. Valentić Dragan, član, ispred saobraćajne struke,
9. Pajzetović Dženaid, član, ispred saobraćajne struke,
10. Melkić Halid, član, predstavnik ispred Ministarstva unutrašnjih poslova USK-a.

Član 3.

Nadležnosti Savjeta, shodno članu 37. Odluke o regulaciji saobraćaja u gradskom području i naseljenim mjestima Općine Velika Kladuša („Službeni glasnik Općine Velika Kladuša“, broj: 4/10, 10/10 i 8/11), su kako slijedi:

- stalno prati stanje saobraćaja na području općine Velika Kladuša, kako u kretanju tako i u mirovanju,
- prati provođenje propisa u oblasti bezbjednosti saobraćaja na putevima radi predlaganja mjera za veću bezbjednost saobraćaja na području grada i općine Velika Kladuša,
- predlaže mjere za unapređenje opće bezbjednosti saobraćaja na putevima na području općine Velika Kladuša, a posebno na gradskim ulicama,
- ostvaruje potrebnu saradnju s ciljem potpune koordinacije rada svih organa i organizacija koje se bave prevozom i prvenstveno učestvuju u saobraćajnim djelatnostima,
- predlaže nadležnim organima donošenje Odluka o uređenju režima saobraćaja u naseljenim mjestima Općine Velika Kladuša,
- predlaže nadležnim organima donošenje Odluka za propisivanje zabrana, ograničenja i obaveza radi bezbjednosti saobraćaja u gradu i naseljenim mjestima Općine Velika Kladuša,
- razmatra na zahtjev Općinskog vijeća Općine Velika Kladuša i drugih nadležnih organa, akte organizacija i preduzeća koje usvaja i potvrđuje Općinsko vijeće Općine Velika Kladuša,
- daje stručna mišljenja na materijale koje razmatra Općinsko vijeće iz oblasti saobraćaja na području Općine Velika Kladuša,
- učestvuje u pripremi programa, elaborata, informacija i projekata regulacije saobraćaja u gradu i na području općine Velika Kladuša te predlaže mjere za unapređenje bezbjednosti saobraćaja,
- vrši i druge aktivnosti u vezi sa unapređenjem bezbjednosti saobraćaja na putevima.

Član 4.

Radom Savjeta rukovodi predsjednik, a u njegovom odsustvu zamjenik predsjednika Savjeta.

Član 5.

Administrativno tehničke poslove za rad Savjeta obavlja Služba za komunalne djelatnosti, vodne resurse, zaštitu okoliša i inspeksijske poslove.

Član 6.

Troškovi rada Savjeta u netto iznosu po učesniku koji prisustvuju na sjednicama savjeta obezbjeđuju se u Budžetu Općine Velika Kladuša.

Član 7.

Stupanjem na snagu ove Odluke prestaje davaži Odluka o formiranju Savjeta za regulaciju saobraćaja na području Općine Velika Kladuša („Službeni glasnik Općine Velika Kladuša“, broj: 8/16).

Član 8.

Ova Odluka stupa na snagu osmog dana objavljivanja u „Službenom glasniku Općine Velika Kladuša“.

Obrađivač
Služba za komunalne djelatnosti, vodne resurse, zaštitu okoliša
i inspeksijske poslove

Predlagač
Općinski načelnik

Obrazloženje

Materijalno-pravni osnov za donošenje ove Odluke sadržan je u članu 37. Odluke o regulaciji saobraćaja u gradskom području i naseljenim mjestima Općine Velika Kladuša („Službeni glasnik Općine Velika Kladuša, broj: 4/10, 10/10 i 8/11), kojim je propisano: „S ciljem bolje organizacije i unapređenja sigurnosti cestovnog saobraćaja kao i radi ostvarivanja saradnje i koordinacije u radu svih organa i organizacija koje rade na unapređenju sigurnosti saobraćaja, osniva se Savjet za regulaciju saobraćaja na području Općine Velika Kladuša, kao stručno radno tijelo...”, dok je članom 38. Odluke propisano: „Savjet za regulaciju saobraćaja Općine Velika Kladuša ima 10 članova, koji su predstavnici organa, ustanova, preduzeća i udruženja, koja u svojoj djelatnosti imaju oblasti saobraćaja. Predsjednika i članove Savjeta za regulaciju saobraćaja na području Općine Velika Kladuše imenuje i razrješava Općinsko vijeće Općine Velika Kladuša na prijedlog Općinskog načelnika”.

Shodno članu 27. Statuta Općine Velika Kladuša („Službeni glasnik Općine Velika Kladuša“, broj: 12/11), Savjet za regulaciju saobraćaja je stalno radno tijelo – komisija Općinskog vijeća.

Općinsko vijeće Općine Velika Kladuša je Odluku o regulaciji saobraćaja u gradskom području i naseljenim mjestima Općine Velika Kladuša, donijelo na osnovu člana 2. Zakona o osnovama sigurnosti saobraćaja na putevima u Bosni i Hercegovini kojim je propisano: “Organi Bosne i Hercegovine, entitetski i kantonalni organi i organi Brčko Distrikta Bosne i Hercegovine i organi lokalne samouprave i lokalne uprave u gradovima i općinama (u daljnjem tekstu: nadležni organi) osigurat će provođenje ovog Zakona i u okviru svoje nadležnosti donositi propise i preduzimati druge potrebne mjere za njegovo dosljedno provođenje”.

Iz prednje citiranih propisa jasno proizilazi pravni osnov, ali i obaveza imenovanja Savjeta za regulaciju saobraćaja kao stalnog radnog tijela Općinskog vijeća, u čijoj nadležnosti je niz aktivnosti koje su od izuzetnog značaja za svakodnevni život građana na teritoriji općine Velika Kladuša.

Obrađivač
Služba za komunalne djelatnosti,
vodne resurse, zaštitu okoliša i inspeksijske poslove